

3 YOKAANA

Essuula : **1**

ESSUULA 1

Nze omukadde mpadiikira Gayo omwagalwa, gwe njagala mu mazima.

² Omwagalwa, nsaba obeerenga bulungi mu bigambo byonna era obeerenga n'obulamu, ng'omwoyo gwo bwe gubeera obulungi.

³ Kubanga nnasanyuka nnyo ab'oluganda bwe bajja ne bategeeza amazima go, nga ggwe bw'otambulira mu mazima.

⁴ Ssirina ssanyu lingi erisinga lino, okuwulira abaana bange nga batambulira mu mazima.

⁵ Omwagalwa, gya bwesigwa emirimu gyo gyonna gyonna gy'okolera ab'oluganda era abagenyi;

⁶ abaategeeza okwagala kwo mu maaso g'ekkanisa; abo bw'onoobatambuzanga nga Katonda bw'asaanira, onookolanga bulungi:

⁷ kubanga baavaayo olw'Erinnya nga tebaweereddwa kintu ba mawanga.

⁸ Kale kitugwanidde okusembezanga abali ng'abo tulyoke tukolenga omulimu gumu n'amazima.

⁹ Nnawandiikira ekanisa ekigambo: naye Diyotuleefe ayagala okubeera omukulu waabwe tatukkiriza.

¹⁰ Bwe ndijja kyendiva njjukiza abantu ebikolwa bye by'akola ng'ayogera ku ffe ebigambo ebibi ebitalimu: so ebyo tebimumala, naye era ye yennyini tasembeza ba luganda, era n'abaagala okubasembeza abaziyiza n'abagoba mu kkanisa.

¹¹ Omwagalwa, togobereranga kibi, wabula ekirungi. Akola obulungi ye wa Katonda: akola obubi nga talabanga Katonda.

¹² Demeteriyo asiimibwa bonna, era n'amazima gennyini: era naffe tutegeeza; naawe omanyi ng'okutegeeza kwaffe kwa mazima.

¹³ Nnalina ebigambo bingi okukuwandiikira, naye saagala kukuwandiikira na bwino na kkalaamu:

¹⁴ naye nsuubira okukulaba amangu, tulyogera akamwa n'akamwa. Emirembe gibenga gy'oli. Ab'omukwano bakulamusizza. Lamusa ab'omukwano ng'amannya gaabwe bwe gali.

For other languages please go to www.wordproject.org